

Radøy kommune

Saksframlegg

Saknr	Utval	Type	Dato
069/2016	Hovudutval for plan, landbruk og teknisk	PS	14.09.2016

Sakshandsamar	Arkivsaknr.:	Dokumentnr.:
Tore Rikstad	16/1342	16/9668

Revidering av kommunedelplan for vatn 2016-2020

Saksopplysingar:

Bakgrunn

Formålet med kommunedelplanen er å stetta krav til god vassforsyning og aukande fokus på vasskvalitet og tryggleik i vassforsyninga. Den skal vera grunnlag for kommunen sine prioriteringar når det gjeld utbygging av anlegg og drift av vassforsyninga i kommunen.

I førre planperiode klarte ein å gjennomføra ein del viktige tiltak, m.a. ny ringleidning Ulvatn-Kartveit-Kolstad, utskifting av sjøvassleidning Sæbø-Vetås, ny stigeleidning Hallandsvatnet-høgdebasseng Lifjell og utskifting av hovudvasskeidning Lifjell-Manger.

Den nye planen legg opp til at forsyningstryggleiken skal utbetrast ytterlegare gjennom vidare utbygging av leidningsnett, t.d. forslaget om etablering av nytt høgdebasseng i Haukåsen som vil sikra forsyning mot busetnadene både mot aust og nord ved eventuell brot på leidningen frå Lifjell. Det nye bassenget vil også kunna forsyna tilbake til Manger og mot vestsida av Radøy. Elles vert det i planen vist til øvrige foreslåtte tiltak og investeringsplan for desse.

Det er også viktig å merka seg at kommunen har eit stort lekkasjetap på leidningsnett og målet er å få dette redusert til ca. 30 % innan 2030. I tillegg til kostnadene med stort lekkasjetal er det reell fare for innsug av avløpsvatn ved brot på vassleidningen.

Arbeid med drift, vedlikehald og utbetring av vassverket er tidkrevande. Med dei krav og målsettingane ein legg opp til, bør ein vurdere auka bemanninga. Truleg vil desse personane «betala seg sjølv» i form av sparte utgifter ein vil få ved reduserte lekkasjetall.

Byggjenemnda har i møte 09.06.16 fatta følgjande vedtak:

«Byggjenemnda vedtar den reviderte hovudplanen for vassforsyning slik den ligg føre med merknad om at det i dei årlege budsjetta for vassforsyning vert sett av ca. kr. 300.000 – 400.000 til materiell i dugnadsprosjekt for framføring av kommunalt vatn i etablerte bygder»

Merknader frå administrasjonen til vedtaket er at dersom løyvingane er tenkt skal gå over finansieringsbudsjetta, må det foreligga ein utbyggingsavtale mellom kommunen og utbyggar/bygda. Dersom kommunen ikkje vil/kan overta anlegget, må midlane gå over driftsbudjettet.

Rådmannen sitt framlegg til vedtak:

Framlegg til kommunedelplan for vassforsyning 2016-2020 for Radøy kommune vert lagt ut på høyring og offentleg ettersyn slik den ligg føre.

Hovudutval for plan, landbruk og teknisk - 069/2016

PLT - handsaming:

Leiar teknisk drift, Einar Færø, orienterte og svara på spørsmål i saka.

Leif Taule (Sp) kom med følgjande tilleggsframlegg:

Hovudutvalet ber byggjenemnda vurdere å ta strekninga Vetås-Haukeland-Storheim inn i hovudplanen som nytt utbyggingstiltak innan 2020.

Hovudutvalet vedtok samrøystes rådmannen sitt framlegg til vedtak, med tillegg av Leif Taule sitt tilleggsframlegg sett fram i møte.

PLT - vedtak:

Framlegg til kommunedelplan for vassforsyning 2016-2020 for Radøy kommune vert lagt ut på høyring og offentleg ettersyn slik den ligg føre.

Hovudutvalet ber byggjenemnda vurdere å ta strekninga Vetås-Haukeland-Storheim inn i hovudplanen som nytt utbyggingstiltak innan 2020.

Vedlegg:

Radøy Hovedplan vassforsyning